

## 12-§. Ахборотни ёритиб бериш

70. Молиявий ҳисобот номоддий активлар учун ҳамда номоддий активларнинг ҳар бир гуруҳига нисбатан қабул қилинган ҳисоб сиёсатини қуйидагилар ҳақида ёритиши керак:

а) корхона томонидан номоддий активларнинг (алоҳида гуруҳлари бўйича) фойдали хизмат муддатлари белгиланиши;

б) номоддий активларнинг алоҳида гуруҳлари бўйича амортизация ажратмаларини ҳисоблаш усуллари;

в) корхонада мавжуд бўлган барча номоддий активларнинг ҳисобот даври боши ва охиридаги умумий баланс қиймати ва жамғарилган амортизация суммаси;

г) келиб тушиши, чиқиб кетиши ва бошқа ҳаракатлари натижасида ҳисобот даври боши ва охирида номоддий активларнинг баланс қийматидаги ўзгаришлар;

д) корхонанинг ўзи томонидан яратилган номоддий активларнинг баланс қиймати.

71. Молиявий ҳисобот қуйидагиларни ҳам очиб бериши керак:

а) баланс қиймати корхонанинг молиявий ҳисобот учун муҳим ҳисобланган номоддий актив тавсифи, баланс қиймати ва қолган амортизация даври;

б) эгалик қилиш ҳуқуқида чекловлар мавжуд бўлган номоддий активларнинг умумий баланс қиймати, шунингдек мажбуриятлар бўйича кафолат

сифатида берилган номоддий активларнинг умумий қиймати;

в) амортизация ҳисобланмайдиган номоддий активлар тавсифи ва баланс қиймати ҳамда амортизация ҳисобланмаслиги сабаблари.

72. Корхона қуйидагиларни қисқача очиб бериши керак:

а) молиявий ҳисобот тузилиши санасига номоддий актив деб тан олинмиш мезонларига жавоб берадиган, бироқ аввалги ҳисобот даврида харажат сифатида тан олинган аҳамиятли номоддий моддалар;

б) келгусида иқтисодий наф олиниши кутилаётган номоддий активларни яратиш ёки яхшилашга йўналтирилган фаолият турлари;

73. Навбатдаги маълумот номоддий активлар моддаларини қайта баҳоланган қийматини акс эттиришда ёритиб бериши лозим:

а) жорий қиймат аниқланган асос;

б) қайта баҳолашнинг ҳақиқатдаги санаси;

в) номоддий активлар гуруҳларидаги активларнинг жорий қийматини тўғри аниқлаш мумкин бўлмаганларининг баланс қиймати ҳамда сабаблари.

*Ўзбекистон Республикаси Молия вазирлигининг 2009 йил 21 январдаги 7-сон (рўйхат рақами 1485-1, 2009 йил 14 февраль), 2013 йил 17 майдаги 51-сон (рўйхат рақами 1485-2, 2013 йил 22 май), 2016 йил 5 сентябрдаги 66-сон (рўйхат рақами 1485-3, 2016 йил 9 сентябрь), 2017 йил 12 июндаги 74-сон (рўйхат*

*рақами 1485-4, 2017 йил 16 июнь) буйруқлари билан  
киритилган ўзгартириш ва қўшимчалар билан.*